

CLARITYNE[®] SYRUP

Loratadine (1mg/1mL)

Apakah yang ada pada risalah ini:

1. Apakah kegunaan CLARITYNE SYRUP
2. Bagaimana CLARITYNE SYRUP berfungsi
3. Sebelum mengambil CLARITYNE SYRUP
4. Cara menggunakan CLARITYNE SYRUP
5. Semasa menggunakan CLARITYNE SYRUP
6. Kesan-kesan sampingan
7. Cara penyimpanan dan pelupusan CLARITYNE SYRUP
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan CLARITYNE SYRUP

CLARITYNE SYRUP melegakan simptom yang berkaitan dengan rinitis alergi (misalnya, demam jerami), seperti bersin, hidung berhingus atau gatal, dan mata yang terasa pedih atau gatal.

CLARITYNE SYRUP boleh juga digunakan untuk melegakan simptom urtikaria (mengurangkan gatal-gatal, merah-merah, bilangan dan saiz gegata).

Simptom-simptom ini dapat diledakan sepanjang hari untuk membantu anda meneruskan kegiatan seharian anda yang biasa dan tidur.

Bagaimana CLARITYNE SYRUP berfungsi

CLARITYNE SYRUP tergolong di dalam kelas ubat antihistamina. Ubat antihistamina dapat mengurangkan simptom alergi dengan menyekat kesan sejenis bahan bergelar histamina yang dihasilkan oleh badan.

Sebelum mengambil CLARITYNE SYRUP

Bila tidak boleh mengambil

Jangan minum CLARITYNE SYRUP:

Jika anda alah (hipersensitif) terhadap *Loratadine* atau mana-mana bahan lain di dalam CLARITYNE SYRUP.

Sebelum mula mengambil

Sebelum meminum CLARITYNE SYRUP, beritahu doktor atau ahli farmasi:

- jika anda menghidap penyakit hati.

Kehamilan dan menyusukan anak dengan susu badan

Jika anda hamil, CLARITYNE SYRUP tidak disyorkan.

Jika anda sedang menyusukan anak dengan susu badan, CLARITYNE SYRUP tidak disyorkan. *Loratadine* dikeluarkan melalui susu badan.

Minta nasihat doktor atau ahli farmasi sebelum menggunakan apa-apa ubat.

Jika mengambil ubat-ubat lain

Beritahu doktor atau ahli farmasi jika anda sedang atau baru-baru ini telah menggunakan ubat lain, termasuk ubat yang diperoleh tanpa preskripsi.

Meminum CLARITYNE SYRUP berserta makanan dan minuman

CLARITYNE SYRUP boleh diminum sebelum ataupun selepas makan.

CLARITYNE SYRUP belum lagi diperhatikan menambahkan kesan minuman keras.

Cara menggunakan CLARITYNE SYRUP

Minumlah CLARITYNE SYRUP tepat-tepat mengikut arahan doktor. Tanyalah doktor atau ahli farmasi jika anda kurang pasti.

Berapa banyak harus digunakan dan Bila perlu digunakan

Pesakit dewasa dan remaja yang melebihi usia 12 tahun:

Minum dua sudu kecil (10 ml) sekali sehari, sebelum ataupun selepas makan. Air atau cecair lain tidak diperlukan untuk menelan CLARITYNE SYRUP.

Kanak-kanak antara usia 2 hingga 12 tahun diberikan dos mengikut berat badan:

Berat badan melebihi 30 kg:

Minum dua sudu kecil (10 ml) sekali sehari, sebelum ataupun selepas makan. Air atau cecair lain tidak diperlukan untuk menelan CLARITYNE SYRUP.

Berat badan 30 kg ke bawah:

Berikan satu sudu kecil (5 ml) sekali sehari, sebelum ataupun selepas makan. Air atau cecair lain tidak diperlukan untuk menelan CLARITYNE SYRUP.

Pesakit yang menghidap penyakit hati yang teruk:

Orang dewasa dan kanak-kanak yang mempunyai berat badan melebihi 30 kg:

Minum dua sudu kecil (10 ml) sekali setiap selang sehari, sebelum ataupun selepas makan. Air atau cecair lain tidak diperlukan untuk menelan CLARITYNE SYRUP.

Kanak-kanak yang mempunyai berat badan 30 kg ke bawah:

Berikan satu sudu kecil (5 ml) sekali setiap selang sehari, sebelum ataupun selepas makan. Air atau cecair lain tidak diperlukan untuk menelan CLARITYNE SYRUP.

CLARITYNE SYRUP tidak disyorkan untuk bayi yang belum mencapai usia 2 tahun.

Berapa lama perlu digunakan

Minumlah CLARITYNE SYRUP mengikut arahan doktor.

Jika terlupa menggunakan

Jika anda terlupa meminum ubat ini pada waktu yang sepatutnya, minumlah secepat mungkin, kemudian teruskan dengan jadual

CLARITYNE[®] SYRUP

Loratadine (1mg/1mL)

waktu dos anda yang biasa. Jangan guna dua dos untuk menggantikan dos yang terlupa digunakan itu.

Jika mengambil berlebihan (terlebih dos)

Minum CLARITYNE SYRUP tepat-tepat seperti yang diarahkan. Masalah serius tidak dijangka akan berlaku jika dos yang terlebih telah digunakan. Walau bagaimanapun, jika anda terminum lebih banyak CLARITYNE SYRUP daripada yang diarahkan, hubungilah doktor atau ahli farmasi dengan segera. Rasa mengantuk, degupan jantung yang pantas dan sakit kepala pernah dilaporkan berlaku apabila terlebih dos CLARITYNE SYRUP digunakan.

Jika anda berhenti menggunakan CLARITYNE SYRUP

Jika anda masih ragu-ragu mengenai penggunaan produk ini, tanyalah doktor atau ahli farmasi.

Semasa menggunakan CLARITYNE SYRUP

Perkara yang perlu dilakukan

Maklumat penting tentang beberapa bahan di dalam CLARITYNE SYRUP

CLARITYNE SYRUP mengandungi sukrosa, oleh itu jika doktor memberitahu anda bahawa anda tidak dapat menahan sesetengah jenis gula, hubungilah doktor sebelum anda mula menggunakan produk perubatan ini.

Perkara yang tidak boleh dilakukan

Ujian makmal:

Jika anda akan menjalani ujian kulit untuk mengesan alergi, anda tidak boleh meminum CLARITYNE SYRUP selama dua hari sebelum menjalani ujian tersebut, kerana ubat ini boleh mengubah hasil ujian itu.

Perkara yang perlu diberi perhatian

Memandu dan mengendalikan jentera
Pada dos yang disyorkan, CLARITYNE SYRUP tidak dijangka akan membuat anda mengantuk atau kurang berwaspada. Walau bagaimanapun, sesetengah orang

berasa mengantuk dan ini boleh menjejaskan kemampuan mereka memandu atau mengendalikan jentera. Namun begitu, ini jarang-jarang sekali berlaku.

Kesan-kesan sampingan

Sama seperti semua ubat lain, CLARITYNE SYRUP boleh menyebabkan kesan sampingan, walaupun tidaklah semua orang akan mengalaminya.

Antara kesan sampingan yang paling lazim dilaporkan berlaku dalam kalangan kanak-kanak yang berusia antara 2 hingga 12 tahun ialah sakit kepala, gementar dan rasa penat. Antara kesan sampingan yang paling lazim dilaporkan berlaku dalam kalangan orang dewasa dan remaja ialah mengantuk, sakit kepala, lebih berselera makan dan sukar tidur.

Semasa memasarkkan CLARITYNE SYRUP, kes berlakunya tindak balas alergi yang teruk, pening, degupan jantung yang tidak sekata atau pantas, loya (mual), mulut kering, sakit perut, masalah hati, rambut gugur, ruam dan rasa penat pernah tetapi sangat jarang-jarang dilaporkan. Kekejangan berlakunya tindak balas ini tidak dapat ditentukan.

Jika mana-mana kesan sampingan menjadi serius, atau jika anda perhatikan kesan sampingan yang tidak tersenarai di dalam risalah ini, beritahulah doktor atau ahli farmasi.

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfb.gov.my (*Consumers* → *Reporting*)

Cara penyimpanan dan pelupusan CLARITYNE SYRUP

Penyimpanan

- Jauhkan daripada capaian dan pandangan kanak-kanak.
- Simpanlah pada suhu yang kurang daripada 30°C.

Pelupusan

- Jangan buang ubat ini bersama-sama air sisa atau sampah dari rumah. Tanyalah ahli farmasi tentang cara membuang ubat yang tidak diperlukan lagi. Langkah-langkah begini akan membantu memelihara alam sekitar.

Maklumat lanjut

Rupa dan warna produk

Sirap jernih yang tidak berwarna ataupun berwarna kuning cair. Disediakan di dalam botol 60 ml dan 100 ml.

Mungkin bukan semua saiz pek ini dipasarkan.

Bahan-bahan kandungan

Bahan aktif: *Loratadine* 1 mg/ml.

Bahan tidak aktif: *Propylene glycol, glycerin, citric acid monohydrate, sodium benzoate*, gula, perasa pic dan air yang ditulenkan. Pengawet: *Sodium Benzoate* 0.1% w/v.

Nombor MAL

MAL19950088A (Sumber Belgium)

MAL10080045AS (Sumber Indonesia)

Pengilang:

Sumber Belgium

Schering-Plough Labo NV
Industriepark, 30
B-2220 Heist-op-den-Berg
Belgium

Sumber Indonesia

PT. MERCK SHARP DOHME
PHARMA Tbk
Jl. Raya Pandaan Km. 48,
Pandaan, Pasuruan, Jawa Timur,
Indonesia

Pemegang Pendaftaran Produk

Merck Sharp & Dohme (Malaysia)
Sdn. Bhd.
T2-9, Jaya 33, No. 3 (Lot 33),
Jalan Semangat, Seksyen 13,
46100 Petaling Jaya,
Selangor, Malaysia.

CLARITYNE[®] SYRUP

Loratadine (1mg/1mL)

Tarikh kemaskini RiMUP

27/11/2013 (versi 092012)